

Ն. Ս. Օ. Տ. Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ
 ՀԱՅԱՍՏԱՆԻ ԱՌԱՋԻՆ ՀԱՆՐԱՊԵՏՈՒԹՅԱՆ
 ԵՎ ՄԱՅԻՍՅԱՆ ՀԵՐՈՍԱՄԱՐՏԵՐԻ 100-ԱՄՅԱԿԻ ԱՌԹՈՎ
 ՀԱՆՐԱՊԵՏԱԿԱՆ ՄԱՂԹԱՆՔԻ ԸՆԹԱՅՔՈՒՄ
 (Սուրբ Էջմիածին, 28 մայիսի 2018 թ.)

Յանուն Հօր և Որդւոյ և Հոգւոյն Սրբոյ. ամէն:

«Գոհություն Աստուծու, որ Կրկն Կրկն Կրկն Կրկն
 Կրկն Տիրոջ՝ Հիսուս Քրիստոսի միջոցով»
 (Ա Կորնթ. 15.57):

Մեծարգո՛ նախագահ Հայաստանի Հանրապետության,
 Մեծարգո՛ նախագահ Արցախի Հանրապետության,
 Սիրելի՛ բարեպաշտ ժողովուրդ,

Միաձնաէջ այս նվիրական սրբավայրում համախմբվել ենք 100-րդ տարեդարձի առիթով Հայաստանի Հանրապետության եւ մայիսյան հերոսամարտերի, որոնք մեր ժողովուրդը մղեց՝ միահամուռ պաշտպանելով նվիրական մեր հայրենիքը: Մենք միասնական մեր աղոթքը բարձրացրեցինք՝ գոհություն հայտնելով Աստծուն, որ մեզ հաղթություն տվեց մեր Տիրոջ՝ Հիսուս Քրիստոսի միջոցով, եւ հայեցեցինք Երկնավորից խաղաղություն մեր երկրին, անսասանություն մեր պետությանը, բարօրություն մեր ժողովրդին: Խնդրեցինք Տիրոջ օգնությունը՝ համերաշխության ու եղբայրսիրության ոգով հաղթահարելու մեր կյանքում հառնած խնդիրներն ու հրամայականները:

Այսօր, սիրելիներ՛, ոգեկոչում ենք հիշատակները մայիսյան հերոսամարտերի եւ Հայաստանի առաջին Հանրապետության հաստատման՝ արժեւորելով, թե առ Աստված հավատքի եւ առ հայրենին սիրո ինչպիսի ուժ ու զորություն մեր ժողովուրդը փրկեց իր երկիրը՝ իր բնօրրանում ազատ ու ապահով կյանք կերտելու բաղձանքով: Մեր ժողովուրդը պատմության հազարամյակներում բազում հողմեր ու փոթորիկներ է տեսել: Բազում նվիրական հիշատակներ ունենք՝ ծանր փորձություններից ու հարվածներից մեր հայրենիքը հերոսաբար պաշտպանելու: Օրհասական



«Օրինացի եւ պաւսպանացի եւ նախախնամուհեալ ապիւղեցի» չաղորատուտութիւնն մարտնը»



«Մայիսյան պանծալի իրադարձությանց խորհրդով ոգեշնչված՝ միասնաբար հայցենք, որ մեր Տիրոջ Հիսուս Քրիստոսի միջոցով մեզ պարգևւած հաղթությունները, գործությունն ու շնորհները բազմապատկւեն մեր կյանքում» (Գարեգին Բ. Կաթողիկոս Ամենայն Հայոց)

պահանջներն մեր ժողովրդի դրսևերած վառ հայրենասիրություն, կենաց ու մահու մարտերում ձեռք բերված հաղթանակների հիշատակներն այսօր զորացնում են մեզ մեր պետականությունը ամրապնդելու եւ հայրենիքը շենացնելու հանձնառություն մեջ:

Անկախ պետականության հովանու ներքո ազատ կյանք կերտելու տեսլականով անցնող տասնամյակներում մենք դիմակայել ենք մեծ դժվարությունների, ներքաղաքական ցնցումների, մեզ պարտադրված պատերազմի: Իրականացնելով պետական ու հասարակական կյանքի վերափոխումներ՝ հաղթահարել ենք հաճախ անհաղթահարելի թվացող իրավիճակներ: Այս բոլոր զոհողությունները մեր ժողովուրդը հանձն է առել եւ իր ձեռքբերումները կերտել՝ Քրիստոսի հանդեպ սերը դարձնելով սեր ազգի ու հայրենիքի, սեր՝ միմյանց հանդեպ:

Հայրենասիրություն եւ ազգասիրություն նվիրական զգացումները, հայրենի պետականության շահերով առաջնորդվելու ձգտումը մեր ժողովրդի զավակները ամուր պահեցին նաեւ այս օրերին, քաղաքական ու հասարակական կյանքի նոր զարգացումների մեջ: Առկա խնդիրների հանդիման՝ մեր ժողովուրդն այսօր համակված է բարեփոխումներ իրականացնելու աննվազ վճռականությամբ ու նաեւ ձգտումով՝ շարունակելու հաստատել մեր երկրի ընթացքը խաղաղության, օրինահարգության, առաջադիմության շավիղներում: Մենք գոհություն ենք հայտնում Աստծուն, որ քաղաքական փոփոխությունները մեր երկրում իրականացվեցին խաղաղ եւ օրինական ճանապարհով: Արդարեւ, առաջին քրիստոնյա պետությունը վայել է բերել օրինակը համերաշխության, եղբայրսիրության, որն առավել համախմբում է հասարակությանը՝ ի շահ առաջընթաց նպատակների իրագործման:

Առ Աստված Մեր հայցն ու մաղթանք է, որ մեր ժողովուրդը ամուր պահի քրիստոնեական արժեքները եւ իր բոլոր քայլերը կատարի Քրիստոսով, իր կյանքում ապրեցնի Նրա Ավետարանի ոգին: Աստծո խոսքը մեզ հաստատում է արդարության, իրավունքի, եղբայրսիրության, խաղաղության մեջ, որպեսզի մեր հոգիներից բխելով՝ այդ արժեքները մարմնավորվեն կյանքում: Ստիպողաբար դրանք իրականություն չեն դառնում, այլ բարի կամքով պտղավորվում են որպես արդյունքներ հոգու, որը երկնային շնորհներով լիացնողը Քրիստոս է՝ մեր Տերը: Առաքյալն ասում է. «Յուրաքանչյուր ոք թող զգույշ լինի, թե ինչպես է կառուցում, որովհետեւ ոչ ոք չի կարող դնել ուրիշ հիմք, քան դրված

այն հիմքը, որ Հիսուս Քրիստոսն է» (Ա. Կորնթ. Գ. 10-11): Քրիստոս է հիմքը, քանի որ ամեն ինչ Նրանով է ստեղծված, եւ Նրանով է արար-
չությունը փրկության շնորհի ներքո, եւ ամեն բան Նրա իշխանությանն է հանձնված: Քրիստոսով կառուցվածը կանգուն է ինչպես ժայռի վրա կառուցված տունը, որին հողմերը եւ հորդացող ջրերը հարվածեցին, բայց չկործանվեց (Հմմտ. Մատթ. Է. 24-27):

Սիրելիներ՛, մայիսյան պանծալի իրադարձությանց խորհրդով ոգեշնչված՝ միասնաբար հայցենք, որ մեր Տիրոջ՝ Հիսուս Քրիստոսի մի-
ջոցով մեզ պարգեւված հաղթությունները, զորությունն ու շնորհները բազմապատկեն մեր կյանքում: Ի խորոց սրտի մեր աղոթքը բարձրաց-
նենք՝ խոնարհում բերելով լուսավոր հիշատակին մեր նորօրյա Ղեկոնդ Երեցի՝ Գեւորգ Ե. Ամենայն Հայոց Կաթողիկոսի, մայիսյան մարտերի հե-
րոս հայորդիների՝ Արամ Մանուկյանի, Գարեգին վարդապետ Հովսեփյա-
նի, քաջարի զորականներ Թովմաս Նազարբեկյանի, Մովսես Սիլիկյանի, Դանիել եւ Պողոս Բեկ-Փիլոսոֆյանների, Դրոյի եւ այլոց ու բազում հո-
գեւորականների: Մայիսյան հերոսամարտերի օրերին հնչող զանգերի ղո-
ղանջը թող մշտապես արձագանքի հայոց հոգիներում: Թող ղողանջեն զանգերը՝ վառ պահելով խնկելի հիշատակը հայոց քաջերի: Թող ղողան-
ջեն զանգերը՝ ի ծագս աշխարհի հյուսելով պանծանքը Սարդարապատի, Ապարանի եւ Ղարաբաղիսայի հերոսամարտերի: Թող ղողանջեն, հար ղո-
ղանջեն զանգերը՝ աշխարհասփյուռ ազգիս զավակաց մեջ ամրապնդելով խիզախումի ու անձնվիրումի ոգին, որպեսզի մեր ժողովուրդը նոր կո-
րովով ու եռանդով շարունակի ծառայել մեր հայրենիքի առաջընթացին, մեր կյանքի ապահովությանն ու բարօրությանը, ազգային մեր իղձերի իրագործմանը:

Տիրոջ սերը, ողորմությունն ու շնորհները այսօր եւ հավիտյան թող լի-
նեն մեզ հետ եւ ամենքի. ամեն:





«Արդարեւ, առաջին քրիստոնյա պետությանը վայել է բերել օրինակը համերաշխության, եղբայրսիրության, որն առավել համախմբում է հասարակությանը՝ ի շահ առաջընթաց նպատակների իրագործման» (Գարեգին Բ. Կաթողիկոս Ամենայն Հայոց)



«Թող դողանցեն զանգերը՝ ի ծագս աշխարհի հյուսելով պանծանքը Սարդարապատի, Ապարանի եւ Ղարաբաղի իսպառիկ հերոսամարտերի» (Գարեգին Բ. Կաթողիկոս Ամենայն Հայոց)



«Առ Աստված Մեր հայցն ու մաղթանք է, որ մեր ժողովուրդը ամուր պահի քրիստոնեական արժեքները եւ իր բոլոր քայլերը կատարի Քրիստոսով,
իր կյանքում ապրեցնի Նրա Ավետարանի ոգին» (Գարեգին Բ. Կաթողիկոս Ամենայն Հայոց)



«Օրհասական պահերին մեր ժողովրդի դրսևորած վառ հայրենասիրության, կենաց ու մահու մարտերում ձեռք բերված հաղթանակների հիշատակներն այսօր գորացնում են մեզ մեր պետականությունը ամրապնդելու եւ հայրենիքը շենացնելու հանձնարարության մեջ»
 (Գարեգին Բ. Կաթողիկոս Ամենայն Հայոց)

